

Inatsisartut Suleriaasianni § 33, imm. 3, nr. 1 malillugu Nunat Avannarliit Killiit Siunnersuisoqatigiiffiannut aallartitat siulittaasuata aalajangiiffigisassatut siunnersuut tulliuuttoq saqqummiuppaa:

Nunat Avannarliit Killiit Siunnersuisoqatigiiffiata kaammattuutitut aalajangersagaanik nr. 3/2023-mik Inatsisartut ilaliinissaannik siunnersuut:

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa**

- nunani avannarlerni killerni avatangiisinut naalakkersuisut 2024-mi ataatsimeeqatigiissasut
- nunani avannarlerni killerni avatangiisinut naalakkersuisut nerisassanik maanngaannartitsisarnerup annikillisinneqarnissaanut nunat ileqqorisaannut tunngatillugu misilittakkanik avitseqatigiissasut
- nunani avannarlerni killerni avatangiisinut naalakkersuisut nerisassanik maanngaannartitsisarnerup annikillisinneqarnissaanut suliniutaasut eqqartussagaat taamaalillutillu Nunani avannarlerni inuussutissanik pilersuinerup isumannaatsuunerulernissaanut ikiuutaallutik  
(Aallartitat siulittaasuata Doris J. Jensen)

**Tungavilersuut:**

Nerisassanik tunisassiorfiit arlariaat nioqputissiaasa 14% missaanniittut nunarsuaq tamakkerlugu annaaneqartartut eqqoriarneqarpoq (e. food loss) kiisalu 17% missaanniittut pisiniarfinni, atuisuni angerlarsimaffinnilu aammalu neriniartarfinni annaaneqartarlutik (e. food waste).<sup>1</sup> Taamaattumik ukiut tamaasa nunarsuaq tamaat eqqarsaatigalugu inunnut nerisassatut nioqputissat katillugit 30% sinnerlugu annaaginnarneqartarpoq.

Nerisassanik tunisassiorneq avatangiisinut pitsaanngitsumik sunniuteqarsinnaavoq taamaattumillu nerisassanik maanngaannartinneqartartunik tunisassiorneq annikillisinneqartariaqarluni. Nerisassat atorineqartannikkunik tunisassiornissaq siunertaqanngilaq nerisassanilli igiinnarneqartussanik annertunerulersitsinnartarluni. Ilutigisaanik nerisassanik annertuallaartunik pisinermut aningaasat atorineqartartut asulersuaq atorineqartarput.

Tunisassiornerujussuaq annikillisinneqarlugu Nunani avannarlerni nioqputissiarineqartartut suliarineqarneri mianersuunneqartariaqarput taamatullu tunisassiornissamut isumalluutitut pigineqartut silatusaarluni piujuaannartitsinissarlu pingaartillugu atorineqartariaqarput.

---

<sup>1</sup> <https://www.stjornarradid.is/library/02-Rit--skyrslur-og-skrar/Minni%20matars%C3%B3un%20-%20A%C3%B0ger%C3%B0a%C3%A1%C3%A6tlun%20gegn%20matars%C3%B3un.pdf>

Nerisassanik maanngaannartitsisarneq inuussutissanillu pilersuinerup isumannaatsuunerulernissaa iluminni imminnut ataqatigiissuupput. Nerisassanik maanngaannartitsisarneq silaannaap allanngoriartorneranut ajornartorsiornermut peqqutaaqataavoq equngasoqarneranullu peqqutaaqataasinnaalluni.

Nunarsuaq tamakkerlugu nerisassanik tunisassiornerup pingajorarterutai igiinnarneqartarput tamannalu iliuuseqarfigineqartariaqarluni. Akisussaaffik nunarsuarmi nunani pisuujunerpaaniippoq, taakkuullutillu nerisassanik eqqaaneruleralluttuinnartut.

Taamaattumik nerisassanik maanngaannartitsisarnerup annikillisinneqarnissaa inuiaqatigiinnikkut, avatangiisitigut aningaasaqarnikkullu iluaqutissartaqarpoq.

Nerisassanik maanngaannartitsisarnerup annikillisinnessaa pillugu imminnullu ilinniarfiginissaq pillugu nunat avannarliit killiit suleqatigiissinnaapput. Sammisassat tulluurtut tassaapput:

- Suliniutissat sorliit periarfissaanersut
- Anguniakkat sorliit piviusorsiortuunersut
- Nerisassani nioqqutissiarineqartuni sinnikut igiinnarnagit atorluarneqarnissaat pillugu qanoq suleqatigiissinnaanersugut
- Nerisassanik maanngaannartitsisarnerup annikillisinneqarnissaanut kajumissaatit qanoq annertutigisumik atorneqarsinnaanersut kiisalu kajumissaatit qanoq ittuussanersut
- Nerisassat qanoq atorluarneqarsinnaanersut

Taamaattumik nerisassanik maanngaannartitsinnginnissamut nunat qanoq qisuariartarnersut, suut suliniutaasinnaanersut qanorlu immitsinnut ilinniarfigisinnaanersugut pillugit eqqartueqatigiinnissamut nunani avannarlerni killerni avatangiisinut naalakkersuisut naapissasut Nunat Avannarliit Killiit Siunnersuisoqatigiivisa siunnertuutigaat.